



REPUBLIKA E SHQIPËRISË
KUVENDI
GRUPI PARLAMENTAR I PARTISË SOCIALISTE

Nr ____ prot.

Lënda:

Propozim për projektligj

Drejtuar :

Z. Gramoz Ruçi
Kryetar i Kuvendit të Shqipërisë

Tiranë, më 20.09.2017

*Propozim për projektligj
për ndryshime në
ligjin nr. 10.253, datë 11.3.2010
"Për gjuetinë", të ndryshuar*
KËTU

I nderuar z. Kryetar i Kuvendit,

2

Bazuar në nenin 81, pika 1 të Kushtetutës dhe në nenin 68 të Rregullores së Kuvendit, një grup deputetësh i Partisë Socialiste, depoziton për shqyrtim dhe miratim në Kuvend nismën ligjore :
"Për disa shtesa dhe ndryshime në ligjin nr. 10.253, datë 11.3.2010 "Për gjuetinë", të ndryshuar.

Bashkëlidhur janë teksti i nismes dhe relacioni shoqerues i tij.

Besmirë Baraj
EDUARD SHALSI
Enay Brage



REPUBLIKA E SHQIPËRISË
Kuvendi

PROJEKTLIGJ

Nr. _____ / 2017

PËR GJUELINË

Në mbështetje të neneve 78 dhe 83 pika 1 të Kushtetutës, me propozimin e një grupi deputetësh,

KUVENDI
I REPUBLIKËS SË SHQIPËRISË

VENDOSI:

KREU I
DISPOZITA TË PËRGJITHSHME

Neni 1
Qëllimi

Ky ligj vendos bazën në menaxhimin e qëndrueshëm të burimeve të gjuetisë të cilat përfshijnë ruajtjen dhe promovimin si dhe parimeve e rregullave në gjueti dhe menaxhimin e saj.

a) përcaktimin e rregullave e të kërkesave për zhvillimin e gjuetisë, si një veprimtari tradicionale, ekonomike, çlodhëse, sportive dhe turistike.

b) menaxhimin e qëndrueshëm të gjuetisë, duke e vlerësuar faunën e egër si pasuri kombëtare që administrohet dhe mbrohet me ligj;

c) garantimin që parimet për gjuetinë të zbatohen në mënyrë rigoroze, duke ruajtur tërësinë e ekosistemit dhe baraspeshën ekologjike;

ç) mosdëmtimin e llojeve të faunës së egër e të habitateve të tyre gjatë ushtrimit të gjuetisë;

d) respektimin e së drejtës së gjuetisë dhe të të drejtave mbi gjahun, mbi trofetë e produktet e gjuetisë dhe të tregtimit të tyre.

Neni 2
Përkufizime

Në këtë ligj termat e mëposhtëm kanë këto kuptime:

1. "Gjueti" është veprimtaria e specializuar e shfrytëzimit të faunës së egër, që ka të bëjë me ndjekjen, kapjen, vrasjen e kafshëve e të shpendëve, objekt gjuetie, me metodat e përcaktuara me ligj.

2. "Gjueti e qëndrueshme" është përdorimi i gjuetisë vetëm në respektim të vijueshëm të ruajtjes së biodiversitetit, të tërësisë së ekosistemit dhe të baraspeshës ekologjike.

3. "Menaxhimi i jetës së egër" është zbatimi i njohurive shkencore dhe tradicionale për përkujdesjen e popullatave të llojeve të faunës së egër e të habitateve të tyre, në mënyrë përfituese për mjedisin dhe shoqërinë.

4. "Sezoni i gjuetisë" është koha kur është e lejuar gjuetia për lloje të faunës së egër, objekt gjuetie.

5. "Zonë gjuetie" janë pjesë të sipërfaqeve tokësore dhe ujore, të shpallura si të tilla me një akt normativ, ku jetojnë lloje të faunës së egër, objekt gjuetie dhe të cilat mund të shfrytëzohen për ushtrimin e gjuetisë.

6. "Zona të ripopullimit dhe të kapjes së gjahut për ripopullim" janë pjesë të sipërfaqeve të fondit pyjor dhe kullësor, të paracaktuara për shtimin e popullatave të llojeve, objekt gjuetie.

7. "Rezervate të mbarështimit të llojeve të faunës së egër, objekt gjuetie" është sipërfaqe jo më e vogël se 40 ha që përdoret për kultivimin gjysmënatyror të një apo disa llojeve të faunës së egër, objekt gjuetie.

8. "Menaxhuesi i zonës së gjuetisë" është personi fizik ose juridik, që menaxhon zonën e gjuetisë, sipas dispozitave të këtij ligji.

9. "Trofe të gjuetisë" janë pjesë të objekteve të gjuetisë të përpunuara, të fituara me anë të gjuetisë, të cilat shfrytëzohen për qëllime shkencore, estetike, kulturore dhe studimore.

10. "Produkte të gjuetisë" janë objekte gjuetie të përfutuara me anë të gjuetisë, të kapura gjallë, të therura, të rrjepura, pjesët e tyre, si mish e nënprodukte të tij, përfshirë trofetë e gjuetisë.

11. "Norma e gjahut" është sasia e individëve të llojeve të faunës së egër, objekt gjuetie, e lejuar për t'u vrarë nga një gjahtar në një ditë gjuetie.

12. "Kapaciteti i lejuar i zonave të gjuetisë" nënkupton:

a) sasinë maksimale të gjuetarëve, që mund të gjuajnë në një ditë, në një zonë të gjuetisë, duke respektuar rregullat e sigurimit teknik;

b) numrin e individëve të llojeve të faunës së egër, objekt gjuetie, që mund të gjuhen në një ditë, në një zonë të gjuetisë.

13. "Lloje, objekt gjuetie, në kushte gjysmë të lira" është mbajtja e individëve të llojeve të faunës së egër, objekt gjuetie, në kushte të krijuara artificialisht, ku ato ushqehen, kryesisht, me ushqime natyrore, por nuk kanë mundësi të lëvizin lirshëm jashtë kufijve të pjesës së izoluar të zonës së gjuetisë.

14-Format e lejes së gjuetisë

15. "Lloje, objekt gjuetie, në gjendje robërie" është mbajtja e individëve të llojeve të faunës së egër, objekt gjuetie, në territore të rrethuara, ku ato nuk kanë mundësi të ushqehen me ushqime natyrore dhe të dalin nga këto territore.

16. "Dhënia me qira e zonës së gjuetisë" është dhënia në shfrytëzim e zonës së gjuetisë, nëpërmjet procedurave të ofertës publike, personave fizikë apo juridikë, për një afat 10 deri në 30 vjet.

17. "Plani menaxhues" është dokumenti zyrtar, në bazë të të cilit bëhet menaxhimi i llojeve të faunës së egër, objekt gjuetie dhe i zonës së gjuetisë për një afat kohor prej 10 deri 30 vitesh.

18. "Plani vjetor i përdorimit të llojeve të faunës së egër, objekt gjuetie" është dokumenti që, në përputhje me planin 10-30 vjeçar të menaxhimit të një zone gjuetie, jep me hollësi veprimet për menaxhimin e gjuetisë në një zonë konkrete, gjatë një viti.

19. "Gjueti turistike" është veprimtaria e kryer nga gjuetarë, që udhëtojnë në distanca të konsiderueshme nga vendi ku jetojnë ose nga zona e tyre e gjuetisë dhe shpesh jashtë vendit, për qëllime gjuetie.

20. "Gjueti turistike e organizuar" është përdorimi i paguar i veprimtarisë së gjuetisë dhe i produkteve të saj, të lidhura me krijimin dhe përdorimin e shërbimeve.

21. "Operator i tureve të gjuetisë" është agjencia ose janë agjentët që sigurojnë shërbime për turistët gjuetarë.

22-Sherbimi i rojes se gjuetise eshte pergjegjes per mbikqyrjen e plan menaxhimit te zones se gjuetise.

23-Funksionet e sherbimit te rojes se gjuetise.

24. "Ligji i gjuetise,ligji per armet e gjahut,literature per etiken e gjuetarit,literature per zagaret e gjahut,semindjet e botes se eger dhe botimet per floren e faunen e eger ne Republiken e Shqiperise por jo vetem" është tërësia e rregullave dhe e kërkesave, që karakterizojnë gjuetinë dhe figurën e gjuetarit.

25.Menyra program dhe kriteret e testimit te gjuetareve

26. "Trajner" është personi i specializuar për stërvitjen e qenve të gjahut.

27. "Ministria" është ministria përgjegjëse për gjuetinë.

28. "Ministri" është ministri që drejton ministrinë përgjegjëse për gjuetinë.

29."FKSHGJK"eshte Federata Kombetare Shqiptare per Gjueti dhe Konservim.

30."Ligatina"jane siparfaqet kenetore,mocalore,turbishte apo siperfaqet ujore,netyrore ose artificialete perhereshme ose te perkoheshme,me uje te fjetur ose te rrjedhshem,te embel,te kripur,perfshire dhe siperfaqet e ujrave detare thellesia e te cilave nuk i kalon 25 centimetra.Ligatinat percaktohen nga komunitetet e tyre biologjike dhe karakteristikat e tyre hidrologjike dhe qe,ne varesi te situates,nga karakteristikat e tyre gjeografike te tilla si tip i tokes.

31.Kufizime te gjuetise turistike.

KREU II

LLOJET E FAUNËS SË EGËR, OBJEKT GJUETIE

Neni 3

Llojet, objekt gjuetie

1. Gjuetia ushtrohet vetëm mbi individë të llojeve të faunës së egër, që janë shpallur objekt gjuetie me vendim të Këshillit të Ministrave, me propozimin e ministrit. Për përgatitjen e listës, ministria merr mendimin e FKSHGJK si dhe bashkepunon me institucionet kerkimore shkencore perkatese dhe agjencine e Mjedisit dhe Pyjeve.

2. Janë objekt i gjuetisë individë të llojeve të faunës së egër, lokalë ose migratorë, që jetojnë në gjendje të lirë në kushte natyrore apo që janë riprodhuar për t'u gjuajtur në territore të rrethuara, në gjendje gjysmë të lirë a në robëri.

3. Nuk janë objekt i ushtrimit të gjuetisë dhe nuk lejohen të gjuhen individët:

a) e llojeve të faunës së egër, të mbrojtura nga konventat ndërkombëtare, ku Republika e Shqipërisë është palë;

b) e llojeve të faunës së egër, që janë të rralla, të kërcënuara, në rrezik zhdukjeje dhe që bëjnë pjesë në listën e llojeve të mbrojtura;

c) e të gjitha llojeve të shpendëve të egër migratorë, të cilët, pas vlerësimit të popullatave të tyre, rezultojnë shumë të rrallë. Vlerësimi i llojeve migratore është pjesë e inventarizimit.

Neni 4

Gjuajtja e llojeve të ndaluara

1. Gjuajtja e individëve të llojeve të ndaluara, përjashtimisht, mund të bëhet në rastet:

a) e shtimit intensiv dhe të pakontrolluar të popullatës së një lloji;

b) e shfaqjes së situatave episodike në llojet e faunës së egër;

c) e shkaktimit të dëmtimeve të vazhdueshme nga individët e një lloji.

2. Gjuajtja për rastet e përcaktuara në pikën 1 të këtij neni bëhet me autorizim të ministrit, mbi bazen e propozimit të FKSHGJK në të cilin saktësohen lloji, sasia, zona e gjuetisë dhe koha e gjuetisë.

Neni 5

Gjuetia reduktuese

1. Kur popullata e një lloji të faunës së egër e lejuar për gjueti është shtuar shumë dhe prish ekuilibrin e zonës, zhvillohet gjuetia reduktuese.

2. Gjuetia reduktuese autorizohet nga ministri me propozimin të FKSHGJK dhe merr në konsideratë informacionin e menaxhuesit të zones, njesive të qeverisjes vendore dhe institucioneve kerkimore shkencore.

3. Gjuetia reduktuese kryhet me gjuetarë të pajisur me leje vetëm gjatë sezonit dhe me metodat e lejuara të gjuetisë.

Neni 6

Gjuajtja për qëllime kerkimore-shkencore

1. Gjahu për qëllime shkencore përfshin gjuajtjen ose zënien e kafshëve të egra për hulumtime shkencore, për mësim universitar, për shumim të kafshëve për gjah ose për qëllime të tjera didaktike.

2. Individë të llojeve të faunës së egër, që nuk janë objekt gjuetie, mund të gjuhen për nevoja të punës kërkimore-shkencore, me miratim të veçantë të ministrit.

3. Gjuajtja për qëllime kërkimore-shkencore bëhet me autorizim të ministrit, brenda 20 ditëve nga data e dorëzimit të kërkesës, në të cilin përcaktohet koha, vendi dhe metoda e lejuar e gjuetisë, llojet, objekt gjuetie, arsyetimi i veprimtarisë që do të kryhet, si dhe detyrimi për të raportuar numrin e kafshëve të vrara.

4. Institucioni kërkimor-shkencor e realizon gjuajtjen, duke angazhuar gjuetarë të pajisur me leje gjuetie. Në përfundim të gjuajtjes, ai dorëzon në FKSHGJK raportin për rezultatet e arritura dhe të dhënat konkrete për individët e vrarë apo të kapur.

Neni 7

Vrasja emergjente e kafshës së egër

1. Në rastet kur kafsha e egër kërcënon dëmtimin e shpejtë dhe të rëndë të jetës së njerëzve, mund të bëhet vrasja emergjente e saj, për të parandaluar rrezikun në jetën e njerëzve.

2. Personat, që vrasin kafshët e egra gjatë rasteve të emergjencës, informojnë për këtë rast menaxhuesin e zonës dhe FKSHGJK..

3. Gjahtarët, që plagosin gjitarë të mëdhenj, i ndjekin gjurmët e kafshës së plagosur e, nëse është e nevojshme, lajmërojnë menaxhuesin e zonës më të afërt të gjuetisë.

KREU III

ZONAT E GJUETISË

Neni 8

Zonat e lejuara për gjueti

1. Gjuetia zhvillohet vetëm në zonat e lejuara për ushtrimin e gjuetisë.

2. Zonat e gjuetisë përfshijnë lëndin pyjor dhe kullosor, tokat bujqësore, sipërfaqet ujore të brendshme, toka të pafrytshme, të populluara me lloje të faunës së egër, objekt gjuetie.

3. Sipërfaqet e përmendura në pikën 2 të këtij neni përdoren për gjueti vetëm kur janë të përfshira në territoret e një zone konkrete, të lejuar për gjueti.

4. Zonat e gjuetisë shtrihen në sipërfaqe që janë me pronësi shtetërore, private apo në përdorim komunal.

Neni 9

Zonat rezidenciale të gjuetisë

1. Për ushtrimin e gjuetisë nga personalitete politike e shtetërore të vendit, nga anëtarë të trupit diplomatik, të akredituar në vendin tonë, si dhe nga personalitete, që vizitojnë vendin tonë dhe ftohen për gjueti nga personalitetet vendase, krijohen zonat rezidenciale të gjuetisë,

2. Miratim i i këtyre zonave, rregullat e ruajtjes dhe të përdorimit të tyre, si dhe përcaktimi i rrethit të personave që kanë të drejtë të gjuajnë në to, caktohen me vendim të Këshillit të Ministrave, me propozimin e ministrit.

3. Ministri për përcaktimin e sipërfaqes së teritorit dhe mbareshtrimit të kësaj zone merr mendimin dhe bashkepunon me FKSHGJK.

Neni 10

Kriteret për krijimin e zonave të lejuara për gjueti

Për krijimin e zonave të gjuetisë mbahen parasysh këto kritere:

a) zona e gjuetisë krijohet në sipërfaqe jo më të vogla se 500 ha, ndërsa zona për kultivimin e llojeve të faunës së egër, objekt gjuetie, krijohet në sipërfaqe jo më të vogla se 50 ha;

b) zona të mos përfshijë vendbanime dhe qendra ekonomike, tregtare, arsimore, sportive e fetare dhe të ndodhet jo më pak se 300 metra larg prej tyre;

c) zona të jetë në vende, ku ushtrimi i gjuetisë nuk mbart rrezik për jetën, shëndetin dhe pronën e njerëzve;

ç) zona të jetë e populluar me llojet e faunës së egër, objekt gjuetie, që jetojnë natyrshëm apo që kultivohen në të;

d) numri i individëve të llojeve, që mund të jetojnë e kultivohen në atë sipërfaqe, të mundësojë gjuajtjen e tyre të programuar.

Neni 11

Vendet e ndaluara për gjueti

1. Ushtrimi i gjuetisë ndalohet në:

a) të gjitha sipërfaqet, që nuk përfshihen në një nga zonat e gjuetisë;

b) në monumentet e natyrës, rezervat strikte natyrore, parqet kombëtare dhe zonat Ramsar;

c) kullotat dhe livadhet në fazën e korrjes;

ç) fushat e kultivuara për prodhimin e varieteteve të farave;

d) vreshtat e mbjella rishtazi;

dh) vreshtat nga krasitja deri në vjeljen e prodhimit;

e) sipërfaqet e mbjella me drithëra, nga 1 prilli deri në përfundimin e korrjes së tyre;

ë) sipërfaqet ligatinore bregdetare, që shërbejnë si habitate për shpendët migratorë;

f) sipërfaqet ku zhvillohet akuakultura;

g) parcelat eksperimentale;

gj) hapësirat detare;

h) zonat e shpallura si zona me rëndësi të veçantë për shpendët;

- i) zonat urbane dhe industriale;
- j) aeroportet, heliodromet, rrugët dhe hekurudhat;
- k) territoret e reparteve, të bazave e të instalimeve ushtarake;
- l) varrezat dhe oborret e mbyllura;

II) fidanishtet, pemishtet, vreshtat dhe kopshtet e destinuara për prodhim intensiv, në sipërfaqe deri në 100 ha, nëse janë të rrethuara, që pengon migrimin natyror të kafshëve të egra;

m) territore, ku vërtetohet prania e sëmundjeve me patogjenitet të lartë.

2. Sipërfaqet e përcaktuara në pikën 1 të këtij neni, me përjashtim të atyre të përcaktuara në shkronjat "c", "d", "dh" dhe "e", nuk mund të përfshihen në territoret e zonave për gjueti.

3. Ministria dhe FKSHGJK publikojnë në faqet e tyre të internetit hartat, ku pasqyrohen zonat e lejuara dhe territoret e ndaluara për gjueti.

4. Sipërfaqet ligatinore bregdetare, të përcaktuara në pikën "l" shkronja e të këtij neni mund të përdoren si zona gjuetie deri në 30% të sipërfaqes totale të tyre. Përcaktimi i pjeseve në të cilat lejohet gjuetia në këto teritore miratohet me urdher të ministrit të FKSHGJK, pas propozimit

Neni 12

Propozimi i zonës së gjuetisë

1. FKSHGJK studion dhe propozon zonat e gjuetisë në shkallë vendi duke paraqitur propozimin dhe materialet perkatese ministries. Materialet përmbajnë:

- a) të dhëna mbi sipërfaqen, shtrirjen dhe kufijtë e saj;
- b) hartën dhe skicat për plan-vendosjen;
- c) mendimin e njësive të qeverisjes vendore, në territoret e të cilave shtrihet zona që propozohet dhe të shoqatave të gjuetarëve.

2. Në përgatitjen e propozimit për shpalljen e zonave të gjuetisë zbatohen kërkesat e nenit 10 të këtij ligji.

3. Zonat e gjuetisë miratohen me urdher të veçantë të ministrit.

Neni 13

Shqyrtimi i propozimit

1. Drejtoritë përkatëse teknike të ministrisë, brenda 20 ditëve pune nga regjistrimi i tij në protokoll, shqyrtojnë propozimin, si dhe:

- a) studiojnë dokumentet e paraqitura nga FKSHGJK, duke kërkuar, sipas rastit, edhe plotësime e saktësime të tyre;
- b) vlerësojnë përputhshmërinë e propozimit me kërkesat e këtij ligji;
- c) vlerësojnë përputhshmërinë e propozimit me politikën, strategjitë e planit e veprimit për mbrojtjen e natyrës e të biodiversitetit;
- ç) hartojnë mendimin e tyre me shkrim për propozimin e FKSHGJK, të cilin ia përcjellin ministrit për nënshkrim.

2.Ministri ne miratimin e zones se gjuetise merr ne konsiderate edhe mendimin e strukturave shteterore te specializuara dhe vendos brenda nje muaji nga data e paraqitjes se propozimit ne protokollin e ministrise.

Neni 14

Shpallja e zonës së gjuetisë

1. Ministria, brenda 5 ditëve nga miratimi i ministrit, shpall zonën e gjuetisë, duke njoftuar me shkrim FKSHGJK, organet e qeverisjes vendore ku ndodhet zona, si dhe drejtorite pyjore dhe te veterinarise prane njesive te qeverisjes vendore.

2. Shpallja e miratimit të zonës së gjuetisë përfundon me publikimin e saj në shtyp dhe në faqen e internetit të ministrisë dhe FKSHGJK.

3. Personat, që mendojnë se cenohen nga shpallja e zonës së gjuetisë, mund të ankohen në gjykatë brenda një muaji nga shpallja e miratimit të zonës së gjuetisë.

Neni 15

Kufijtë e zonës së gjuetisë

1. Kufijtë e një zone gjuetie duhet të kenë vijimësi territoriale dhe të jenë në përputhje me relievin.

2. Përcaktimi i kufijve quhet i përfunduar, kur pronari ose menaxhuesi i zonës vendosin në terren shenjat dalluese të kufijve.

3.FKSHGJK, miraton udhëzimin për mënyrat e shënimit të kufijve të zonës së gjuetisë.

4. Askush nuk mund të marrë, të dëmtojë, të lëvizë ose të shkatërrojë shenjat e kufijve të zonës së gjuetisë, pa lejen e menaxhuesit të saj.

5. Nëse tokat e një zone të miratuar bëhen të papërshtatshme për gjueti, për shkak të ndërrimit të destinacionit, ministria pasi ka marrë mendimin e FKSHGJK, miraton zvogëlimin e sipërfaqes së zonës së gjuetisë dhe menaxhuesi vendos në terren shenjat e kufijve të rinj.

Neni 16

Heqja e statusit të zonës së gjuetisë

1. Çdo zonë gjuetie e humbet statusin kur:

a) për interesa të sigurisë kombëtare dhe për nevoja të mbrojtjes, organet kompetente vendosin ndryshimin e destinacionit të përdorimit të saj;

b) për nevoja të zhvillimit rajonal, organet kompetente vendosin ndryshimin e destinacionit të përdorimit të saj;

c) për shkak të përdorimit të keq dhe mbishfrytëzimit, zona humbet funksionet, për të cilat është krijuar;

ç) si pasojë e ndërhyrjeve të ligjshme, sipërfaqja e saj është zvogëluar nën minimumin e përcaktuar me këtë ligj.

2. Statusin e zonës së gjuetisë e heq organi që e ka miratuar. Heqja e statusit shpallet dhe publikohet me të njëjtat kërkesa e procedura, si dhe dhënia e tij.

3. Në çdo rast organi kompetent merr dhe mendimin e FKSHGJK.

Neni 17

Zona të ripopullimit dhe të kapjes së gjahut për ripopullim

1. Për shtimin e popullatave të llojeve të faunës, objekt gjuetie, krijohen zona të ripopullimit dhe të kapjes së gjahut për ripopullim.

2. Zona të ripopullimit shpallen terriore të pyjeve dhe kullotave, jo më të vogla se 1 000 ha, ku popullatat e një ose disa llojeve, objekt gjuetie, rezultojnë të pakësuar ndjeshëm nga mbigjuajtja ose për shkaqe të tjera.

3. Krijimi i zonave të ripopullimit mbështetet në kërkesat si më poshtë:

a) zona të ketë qenë tradicionalisht habitat i llojeve që do të ripopullohen;

b) sipërfaqja e saj të jetë biologjikisht e mjaftueshme për jetesën normale të llojeve;

c) zona të plotësojë kushtet për ushqim dhe riprodhim;

ç) shtimi dhe ripopullimi të bëhen me lloje vendase tradicionale;

d) të përcaktohen qartë në terren dhe në harta kulëjtë e zonës.

4. Zonat e ripopullimit shpallen me urdhër të ministrit pasi ka marre mendimin e FKSHGJK, për një afat, të paktën, 5-vjeçar. Gjatë këtij afati, në këto zona, gjuetia është e ndaluar.

5. Pas ripopullimit, këtyre zonave u hiqet statusi si zona të ripopullimit dhe mund të shpallen edhe si zona të lejuara për gjueti, duke zbatuar procedurat për shpalljen e zonave të gjuetisë, të parashikuara nga ky ligj.

Neni 18

Rezervate të mbarështimit të llojeve të faunës së egër, objekt gjuetie

1. Rezervate të mbarështimit të llojeve të faunës së egër, objekt gjuetie, përfaqësojnë terriore, në të cilat fauna e egër mbarështohet në gjendje gjysmënatyrore me ndërhyrjen e njeriut me ushqim, me kushte strehimi e shumimi.

2. Personave fizikë dhe juridikë dhe shoqatave të gjuetarëve mund t'u jepen në përdorim për mbarështim gjysmënatyror, të llojeve të faunës së egër, objekt gjuetie, sipërfaqe pyjore e kullimore jo më të vogla se 40 ha dhe për një afat 10-vjeçar.

3. Këto sipërfaqe jepen nga njësi e vetqeverisjes vendore që i ka në administrim, mbi bazën e procedurave të konkurimit dhe lidhjes së kontratës me fituesin.

4. Pronarët privatë të pyjeve dhe kullotave mund të krijojnë në pronat e tyre rezervate të mbarështimit të llojeve të faunës së egër objekt gjuetie.

5. Kriteret për sipërfaqet që mund të jepen për mbarështim të llojeve të faunës së egër, objekt gjuetie, për dokumentet që paraqet kërkuuesi, për procedurat

e konkurimit, rregullat e administrimit dhe të gjuetisë në këto sipërfaqe nga përdoruesi, përcaktohen me udhëzim të ministrit.

6.Rezervatet e mbareshtimit ngrihen mbi bazen e programeve të mbareshtimit të cilat duhet të përmbajne:

a.Nje strategji qe sigurone riprodhimin e nje apo disa llojeve të gjahut të pershtatshem për habitatin qe është ngritur rezervati.

b.Rritjen e sasisë numerike të gjahut në raport me nevojat e parashikuara për gjueti.

c.Sigurimi i kushteve optimale për riprodhimin dhe perkujdesjen e gjahut.

d.Sigurimin e masave diagnostikuese,kurative dhe higjenike në rezervatet e mbareshtimit të faunes së eger.

e.Sigurimin e sasive të nevojshme të furnizimit me ujë të pijshëm dhe ushqim.

f.Sigurimin e infrastruktures për mbrojtjen e gjahut nga ngjarjet natyrore,djegjet e mundeshme agjendet kimik dhe sulmeve të grabitqareve.

g.Asistence të specializuar nga ekspertet e fushës për mbarevajtjen e rezervatit.

gj-Parandalimin e gjuetisë së kundraligjeshme brenda rezervatit.

Neni 19

Zonat për stërvitjen e qenve të gjahut

1. Qentë e gjahut stërviten vetëm në zona të përcaktuara për këtë qëllim nga shoqatat e gjuetarëve.Stërvitja e qeneve të gjahut lejohet vetëm brenda territorit të këtyre zonave.

2. Gjuetarët dhe trajnerët respektojnë kufijtë e zonës dhe rregulloren e përdorimit të zonave të stërvitjes së qenve të gjahut, të miratuar nga FKSHGJK..

KREU IV

MENAXHIMI I GJUETISË

Neni 20

Strukturat përgjegjëse për menaxhimin e gjuetisë

1. Menaxhimi i gjuetisë është administrimi i zonave të gjuetisë dhe zhvillimi i veprimtarisë së gjuetisë në to organizohet e drejtohet nga ministria dhe kryhet nga strukturat e FKSHGJK dhe nga menaxhuesit e zonave të gjuetisë.

2. Në menaxhimin e gjuetisë, ministria përgjigjet për:

a) miratimin e zonave të gjuetisë;

b) Përcaktimin e rrjetit të zonave të gjuetisë në shkallë vendi;

c) Miratimin dhe zbatimin e planeve e të programeve të zhvillimit të gjuetisë në shkallë vendi e për çdo zonë;

ç) realizimin e procesit të monitorimit dhe inventarizimin e llojeve, objekt gjuetie,në bashkëpunim me FKSHGJK.

d) formatimin dhe administrimin e dokumentacionit standard, ku pasqyrohen të dhënat për gjuetinë për çdo zonë e në shkallë vendi, si dhe veprimtaritë menaxhuese të saj;

dh) Kalimin në favor të njesive të qeverisjes vendore të të drejtës për të dhënë me qera zonat e gjuetisë që ndodhen në territorin e tyre personave fizik ose juridik sipas procedurave të percaktuara nga legjislacioni në fuqi.

3. Shoqatat e gjuetarëve menaxhojnë dhe kontrollojnë administrimin e zonave të gjuetisë, që janë në territorin e tyre dhe kryerjen e veprimtarisë së gjuetisë në to.

4. Menaxhuesi i zonës së gjuetisë përgjigjet për menaxhimin e zonës së tij të gjuetisë dhe të veprimtarisë së gjuetisë që zhvillohet në të.

5-FKSHGJK, në menaxhimin e gjuetisë është përgjegjese për:

a-Organizimin dhe funksionimin e zonave të gjuetisë.

b. Hartimin dhe propozimin tek ministri të planeve dhe programeve të zhvillimit të gjuetisë në shkallë vendi dhe për çdo zonë gjuetie.

Neni 21

Planet për menaxhim

Menaxhimi i zonave të gjuetisë dhe i llojeve, objekt gjuetie, kryhet në bazë të:

a) të programit kombëtar të zhvillimit të gjuetisë;

b) të planit menaxhues të secilës zonë gjuetie.

Neni 22

Programi kombëtar i zhvillimit të gjuetisë

I. Programi kombëtar i zhvillimit të gjuetisë pasqyron synimet dhe objektivat e zhvillimit të qëndrueshëm të gjuetisë, metodat dhe rrugët për arritjen e tyre. Ai hartohet nga FKSHGJK dhe miratohet me urdhëror të ministrit për një periudhë 10-30 vjeçare.

2.FKSHGJK, gjatë përgatitjes së këtij programi, këshillohet me ministrinë përkatëse e me shoqatën e gjuetarëve, si dhe siguron që programi të jetë në përputhje me planet e zhvillimit të territorit dhe me kërkesat e dokumenteve ndërkombëtare të kësaj fushe, ku vendi ynë është palë.

Neni 23

Përmbajtja e programit kombëtar

Programi kombëtar i zhvillimit të gjuetisë është dokumenti shtetëror që përmban:

a) synimet e politikave shtetërore për gjuetinë;

b) kërkesat e zhvillimit të qëndrueshëm të gjuetisë;

c) rrjetin e zonave të gjuetisë, në shkallë vendi;

ç) llojet e faunës së egër, objekt gjuetie;

d) kuotat e përafërta vjetore të gjuajtjes për çdo lloj të faunës së egër, objekt gjuetie;

dh) investimet, projektet dhe ndërhyrjet përmirësuese për çdo zonë gjuetie;

e) shtimin e popullatave të llojeve, objekt gjuetie dhe shpërndarjen e individëve në zona.

Neni 24

Plani i menaxhimit të zonës së gjuetisë

1. Menaxhimi i zonave të gjuetisë realizohet sipas planeve menaxhuese 10-30 vjeçare, të cilat i hartojnë menaxhuesit e zonave të gjuetisë për zonën që menaxhon secili.

2. Plani menaxhues i zonës hartohet në përputhje me programin kombëtar të zhvillimit të gjuetisë, me planet e mbarështimit të pyjeve dhe kullotave, me kushtet dhe mënyrën e shfrytëzimit të tokave bujqësore e me planet e rregullimit të territorit.

3. Plani menaxhues i zonës përmban të dhënat për zonën, llojin dhe numrin e përafërt të individëve të llojeve të faunës së egër, masat e kultivimit, të mbrojtjes dhe shfrytëzimit të tyre dhe mban parasysh gjendjen numerike, strukturën e moshës dhe të gjinisë së llojeve të faunës së egër.

4. Planet menaxhuese të zonave të gjuetisë miratohen nga FKSHGJK paspropozimit nga menaxhuesi i zones se gjuetise.

5. Nëse në procesin e miratimit të planit të menaxhimit të gjuetisë FKSHGJK, kërkon përmirësimin e tij menaxhuesi i zones se gjuetise bene përmirësimet e nevojeshme sipas rekomandimeve të dhëna nga FKSHGJK brenda 40 diteve. Nëse FKSHGJK brenda 30 diteve nuk shprehet për planin ky plan vlerësohet i miratuar.

6. Në rast të ndryshimit të përhershëm dhe qenësor të kushteve të rrethanave, ku bazohet plani menaxhues 10—30 vjeçar i zonës, plani rihartohet në përputhje me kushtet e reja.

7. Deri në miratimin e planeve 10-30 vjeçare, menaxhimi i zonave të gjuetisë bëhet duke u mbështetur në planin vjetor të përdorimit të zonës së gjuetisë.

Neni 25

Plani vjetor i përdorimit të llojeve të faunës së egër, objekt gjuetie

1. Përpara çeljes së sezonit të gjuetisë, menaxhuesit e zonave të gjuetisë hartojnë planin vjetor të përdorimit të llojeve të faunës së egër, objekt gjuetie, pa të cilin gjuetia nuk mund të ushtrohet në asnjë zonë.

2. Plani përmban veprimet konkrete të menaxhuesit për:

a) përllogaritjet e përafërta për fondin, për kapacitetin e zonës, për mundësinë e gjuajtjes;

b) shtimin e individëve të llojeve, objekt gjuetie;

c) ndërtimet, në dobi të llojeve të faunës së egër, si mjedise për të pirë ujë e çerdhe;

ç) mbjellje bimësh e sigurim ushqimi për llojet e egra, në periudha të vështira;

d) ndërtime në dobi të gjuetarëve, si pika vëzhgimi e ngrehina të thjeshta për ndenje;

dh) vendosje shenjash të kufijve, mirëmbajtje rrugësh e shtigjesh për gjuetarët.

3. Planet miratohen nga FKSHGJK brenda 20 ditëve nga dorëzimi për miratim. Nëse FKSHGJK nuk e miraton brenda këtij afati, plani quhet i miratuar. Miratimi i planeve të zonave përfundon një muaj para çeljes së sezonit të gjuetisë.

4. Menaxhuesit e zonave të gjuetisë paraqesin raport vjetor te pronari i zonës dhe FKSHGJK, për përmbushjen e planeve vjetore.

5. Të gjitha veprimtaritë e menaxhimit janë në përputhje me planet vjetore menaxhuese të miratuara. Nëse, për shkak të fatkeqësive natyrore ose të rasteve të tjera emergjente, nuk mund të zbatohet plani vjetor menaxhues, menaxhuesi njofton menjëherë FKSHGJK.

6. Metodikat e hartimit të planeve të menaxhimit të zonave të gjuetisë dhe planeve vjetore të përdorimit dhe procedurat e miratimit të tyre përcaktohen me udhëzim të ministrit.

Neni 26

Menaxhuesi i zonës së gjuetisë

1. Menaxhuesi i zonës së gjuetisë është personi juridik ose fizik që përzgjidhet sipas një procedure ligjore konkurrimi.

2. Kërkesat dhe rregullat për të përzgjedhur menaxhuesin e zonës së gjuetisë miratohen me udhëzim të ministrit.

Neni 27

Të drejtat dhe përgjegjësitë themelore të menaxhuesve të zonave të gjuetisë

1. Menaxhuesit e zonave të gjuetisë:

a) sigurojnë funksionimin e shërbimit profesional për zbatimin e planit menaxhues të gjuetisë dhe shërbimin e ruajtjes së gjahut;

b) organizojnë veprimtaritë e gjuetisë dhe u ofrojnë shërbime të tjera gjuetarëve.

2. Detyrat e menaxhuesit, në lidhje me planin e menaxhimit, inventarin e llojeve dhe rregulloren e administrimit, përcaktohen me udhëzim të FKSHGJK.

27/1. Shërbimi i rojes së gjuetisë.

1- Shërbimi i rojes së gjuetisë është përgjegjës për mbikqyrjen e zbatimit të planit menaxhimit të zonës së gjuetisë dhe planit vjetor të gjuetisë për atë zonë.

2. Ky shërbim mund të ofrohet vetëm nga një person me kualifikim të lartë dhe përvojë në ushtrimin e veprimtarisë së gjahut.

3-Sherbimi i rojes se gjuetise mund te ushtrohet nga roje te kontraktuara nga FKSHGJK, shoqatat vendore te gjuetise, apo nga menaxhuesit e zones se gjuetise, me autorizim te FKSHGJK.

4.Kualifikimi, testimi dhe leja per ushtimin e profesionit te rojes se gjuetise organizohet dhe jepet nga FKSHGJK.

Neni 27/2

1.Roja e sherbimit te gjuetise eshte i autorizuar:

a.Te identifikojë cdo person qe ushtron veprimtari veprimtarine e gjahut dhe te mjeteve qe perdore brenda zones se gjuetise.

b-Te parandaloje dhe te bllokoje perkohesisht dedri ne 24 ore mjetet e perdorura, ose qe kane qellim te perdoren per gjueti, nese ato jane ne kundershtrim me kete ligj.

c.Te perandaloje ushtimin e gjuetise jashte sezonit apo ne rastet e ndalimit te sajë.

d.Te mbikqyre shperndarjen e gjahut apo pjese te tijë ne zonat e gjuetise.

2.Roja ne ushtimin e detyres se tijë duhet te:

a.Te njoftoje menjehere menaxhuesin e zones se gjuetise dhe sherbimin veteriner per perhapjen e ndonje semundje, qe sjelle si pasoje vdekjen e gjahut apo kafsheve te egra si dhe te njoftoje per cdo fenomen natyror apo njerezor i cili demton gjahun.

b.Te mbledhe dhe te administroje te dhena per gjuetine qe ushtrohet ne kundershtrim me parashikimet e ketij ligji dhe te njoftoje menaxhuesin e zones apo strukturat e tjera shteterore te ngarkuara me ruajtjen e faune se eger.

3.Ministri ruan te drejten e mbikqyrjes mbi veprimtarine e sherbimit te rojes se gjuetise.

Neni 28

Dhënia në përdorim e zonave të gjuetisë

1. Zonat e gjuetisë mund t'u jepen me qira shoqatës së gjuetarëve dhe personave fizikë e juridikë me kërkesën me shkrim të tyre. Dhënia me qira bëhet me kontratë për një afat jo më shumë se 10-30 vjet.

2. Zonat e gjuetisë jepen me qira, përmes ofertës publike, e cila shpallet pas themelimit të zonës.

3. Procedurën e ofertimit për dhënien me qira të zonës së gjuetisë e zhvillon, sipas përkatësisë së pronës, Njesit e Qeverisjes Vendore, në territorin e së cilës ajo gjendet, në bazë të dispozitave të ofertimit publik.

3/1. Gjate procedures se dhenies me qera te zonave te gjuetise njesite e qeverisjes vendore duhet te bashkepunojne me shoqatat vendore te gjuetise. Njesite e qeverisjes vendore para dhenies me qera te zonave te gjuetise duhet te marrin mendim te specializuar nga shoqatat vendore te gjuetise ne lidhje me problematikat, perparesite dhe efektet qe mund te sjellin dhenia me qera e zonave te gjuetise ne juridiksionin e tyre.

3/2.Njesite e qeverisjes vendore nuk mund te japin me qerame shume se 20% te zonave te gjuetise ndodhur ne juridiksionin e tyre.Ne rastet kur ne teritorin e njesive te veteqeverisjes vendore ka vetem nje zone gjuetie mund te jepet deri ne 20% te siperfaqes totale te zones se gjuetise.

4. Për çdo rast të dhënies me qira të zonës së gjuetisë njoftohet FKSHGJK.

Neni 29

Konkurrimi

Konkuruesit, brenda një muaji nga shpallja e ofertës, paraqesin prane autoritetit kontraktues dokumentet si më poshtë:

a) kërkesën, që përmban gjeneralitetet e kërkuarit (emrin, mbiemrin, adresën, pikën e kontaktit e të komunikimit) dhe përmbajtjen e shkurtër të kërkesës;

b) plan-biznesin dhe investimet që do të bëjë në zonë;

c) vlerën e qirasë dhe afatin e pagesës së saj;

ç) autodeklarimin se i zotëron njohuritë dhe përvojën për të përdorur zonën e gjuetisë, në përputhje me dispozitat e këtij ligji e me aktet nënligjore në zbatim të tij.

Neni 30

Vlera fillestare e qirasë

1. Vlera fillestare për qiranë e zonës së gjuetisë përcaktohet sa 50 për qind e vlerës të gjuetisë vjetore të kafshëve të egra, të planifikuara sipas planit të përdorimit të llojeve të zonës së gjuetisë, të llogaritura sipas çmimit të tregut.

2. Vlera fillestare për qiranë e zonës së gjuetisë shërben si çmim dysHEME për personat që do të marrin pjesë në konkurrim.

Neni 31

Kontrata e qirasë

Autoriteti kontraktor pasi ka marrë pelqimin e FKSHGJK lidh kontraten e qerame me fituesin e dale nga procedura e konkurimit.Kontrata duhet te permbaje:

a) emërtimin, madhësinë, kufijtë dhe infrastrukturën e zonës së gjuetisë;

b) llojin dhe numrin e përafërt të kafshëve të egra, objekt gjuetie;

c) masat për mirëmbajtjen dhe zhvillimin e zonës së gjuetisë;

ç) detyrimet për të investuar në zonë;

d) cmimin,afatin dhe menyren e pagesës së qirasë.

Neni 32

Zgjidhja e parakohshme e kontratës

1. Autoriteti kontraktor kryesisht ose ne rast propozimi te FKSHGJK, mund te zgjidh kontraten e qirase ne menyre te njeaneshme dhe para mbarimit te afatit ne rastet kur:

qiramarrësi nuk e përdor zonën e gjuetisë në përputhje me këtë ligj dhe me kërkesat e kontratës;

b) për shkak të moszbatimit të masave të parashikuara në planin e menaxhimit, fondi i kafshëve të egra ka rënë nën minimumin e parashikuar në këtë plan;

c) qiramarrësi nuk bën investimet e parashikuara dhe nuk i shfrytëzon ato për qëllime të përcaktuara në kontratë;

ç) qiramarrësi nuk e paguan qiranë për dy herë radhazi, në masën dhe afatin e parashikuar në kontratë.

2. Në rastet e zgjidhjes së parakohshme të kontratës së qirasë, ekspertët konstatojnë gjendjen faktike të zonës së gjuetisë e të zbatimit të planit të saj menaxhues. Qiramarrësi detyrohet të bëjë kompensimin e dëmit real, të shkaktuar në zonë, sipas çmimeve të tregut.

3. Përcaktimi i vlerës reale të dëmit bëhet me akt ekspertimi, të hartuar nga ekspertë të pranuar nga të dyja palët kontraktuese ose të vendosura nga gjykata.

4. Në të gjitha rastet e zgjidhjes së parakohshme të kontratës së qirasë zhvillohet procedura e re e ofertimit publik për dhënien e zonës së gjuetisë në përdorim. Deri në dhënien e saj në përdorim gjuetia ndalohej, ndërsa masat e kultivimit dhe të mbrojtjes së kafshëve të egra i merr pronari i zonës ose personi i autorizuar prej tij.

KREU V

USHTRIMI I GJUETISË

Neni 33

Sezoni i gjuetisë

1.Gjuetia ushtrohet vetem brenda sezonit te hapur per gjueti,i cili percaktohet sipas kriterave gjeografike,klimatike e biologjike.Sezonet e gjuetise miratohet me urdher te ministrit pas propozimit te FKSHGJK.Per cdo vit ministria dhe FKSHGJK, publikojne hapjen e sezonit te gjuetise ne faqen e tyre te internetit.

2. Kohëzgjatja e gjuetisë sipas llojeve, si dhe ditët e lejuara për gjueti, brenda sezonit të gjuetisë, caktohen me urdhër të veçantë të ministrit.

3. Dita e gjuetisë fillon pas lindjes së diellit dhe përfundon me perëndimin e tij.

4.Percaktimi i bere ne piken 3 te ketij neni nuk zbatohet ne rastet kur per shkak te vecorive te gjahut ai nuk mund te gjuhet gjate dites normale te gjuetise.Llojet e gjahut qe jane objekt gjuetie para zbardhjes se dites ose pas renies se muzgut percaktohen me urdher te ministrit pas propozimit te FKSHGJK.

Neni 34

Ndërhyrjet e detyruara në sezon

Nëse moti i keq, gjuetia e tepruar ose rrethana të tjera zvogëlojnë popullatën e llojeve të faunës, objekt gjuetie, ministri, në bazë të kërkesës së arsyetuar të FKSHGJK, mund të ndalojë ose të shkurtojë sezonin e hapur të gjuetisë. Ndalimi ose shkurtimi mund të jenë tërësorë ose të pjesshëm apo vetëm për disa lloje, objekt gjuetie, mund të shtrihen në të gjithë vendin ose në zona të veçanta gjuetie.

Neni 35

Gjuetari

Gjuetar mund të jetë personi fizik që:

- a) ka mbushur moshën 22 vjeç;
 - b) ka leje të mbajë armë;
 - c) Eshte antare i shoqates se gjuetareve dhe ka fituar testin për çështjet teorike dhe praktike, që lidhen me veprimtarinë e gjuetisë;
 - ç) është pajisur me leje gjuetie;
 - d) njeh dhe respekton manualin e gjuetarit;
 - dh) merr pjesë në monitorimin dhe inventarizimin e faunës së egër të zonës së tij.
- e-zbaton kodin etik te gjuetarit.
- f-Merr persiper te respektoje dhe kotribuoe ne mbareshtimin dhe mbrojtjen e gjahut jashte sezonit te gjuetisedhe ne rastet e parashikuara nga legjislacioni ne fuqi.

Neni 36

Testimi i gjuetarit

1. Personat, që synojnë të ushtrojnë gjuetinë, i nënshtrohen testimit të gjuetarit, sipas programit të miratuar nga FKSHGJK.

2. Programet e testimit hartohen nga FKSHGJK, në bashkëpunim me shoqatën e gjuetarëve dhe duhet të përmbajnë njohuri teorike dhe praktike për veprimtarinë e gjuetisë e legjislacionin për të, për menaxhimin dhe përdorimin e llojeve, objekt gjuetie, njohuri për biologjinë e llojeve të faunës, për mënyrat, metodat dhe mjetet e gjuetisë, njohuri për armët e gjuetisë dhe përdorimin e tyre, për qentë e gjuetisë dhe për sëmundjet e llojeve, objekt gjuetie.

3. FKSHGJK, organizon testimin teorik dhe praktik te kandidateve i cili realizohet nga komisioni i testimit i ngritur per kete qellim.Komisioni i testimit ka ne perberjen e tije ekspert biolog,veterinere,ekspert te qeneve te gjahut,ekspert te armeve te gjuetise,perfaqesues te ministrise perfaqesues te FKSHGJK.

4. Personat, që kalojnë me sukses testimin, pajisen me certifikatë. Formati i certifikatës miratohet nga ministri.

Neni 36/1

Menyra,programi dhe kriteret e testimi.

1.Testimi i gjuetareve per paisjen me leje gjuetie ne kuptim te pikes "1" germa "a" te nenit 39 te ketij ligji organizohet ne dy faza:

a.faza e pare ne te cilen testohen njohurit teorike te kandidatit.

b.faza e dyte ne te cilen testohen njohurit praktike te kandodatit.

2-Ne fazen e pare te testimit kandidati duhet te testohet per njohurit qe lidhen me:

a.Ciklet biologjike te shpendeve endenike dhe migratore.

b.Terrenet e gjuetise,objektet e gjuetise,menyren e shenjimit te kulijeve te zonave te gjuetise si dhe teritoret qe nuk perfshihen ne zonat e gjuetise.

c.Llojet e gjahut qe jane te ndaluara per gjueti sezonet e gjuetise dhe periudhat e riprodhimit.

d.Njohuri te pergjitheshme per llojet e semundjeve qe mund te prekin faunen e eger objekt gjuetie.

e.Kategorit e armeve

f.Njohuri balistike

g.Llojet e lendeve plasese

gj.Rracat e qeneve te gjahut.

3-Pas kalimit te fazes se pare te testimit teorik,kandidati testohet per aftasit e tij praktike te njohjes dhe perdorimit te armeve te gjahut si dhe per aftesite e qitjes sipas objektivave te caktuara nga komisioni i testimit.

4-Kandidati pasi ka kaluar me sukses fazen e pare dhe te dyte te testimit paisedt me leje gjuetie.

5-FKSHGJK,miraton rregulloren e testimit te gjuetarevee cila duhet te percaktoje periudhat e zhvillimit te testimit,formatin e testimit,kohezgjatjen,si dhe procedurat e rregullat qe duhet te ndjke komisioni gjate zhvillimit te testimit.

Neni 37

Kërkesa për t'u pajisur me leje gjuetie

1. Personat qe kane kaluar me sukses testimin e gjuetarit bejne kerkese me shkrim per tu paisur me leje gjuetie nga FKSHGJK.

2. Kërkesa shoqërohet me fotokopjen:

a) e certifikatës së testimit;

b) e lejes për mbajtjen e armës së gjuetisë;

c) e leternjoftimit elektronik.

3.FKSHGJK,shqyrton kerkesen sebashku me dokumentacionin e dorezuar dhe pergjigjet brenda 15 diteve pune nga marrja e tyre ne dorezim.Nese FKSHGJK,nuk ktheen pergjigje brenda ketij afati,leja quhet e miratuar.

4. Ndaj refuzimit të FKSHGJK,per tu paisur me leje gjuetie, kërkuesi mund të ankohet te ministri brenda 10 ditëve nga data e marrjes së vendimit. Ndaj vendimit të ministrit ose mospërgjigjes së tij, pas kalimit të afatit 10-ditor, kërkuesi mund të ankohet në gjykatë brenda 30 ditëve.

Neni 38

Leja e gjuetisë

1. Leja e gjuetisë është dokumenti shtetëror, që i njeh të drejtën e ushtrimit të gjuetisë personit, që plotëson kushtet dhe kërkesat e këtij ligji. Format i lejes së gjuetisë miratohet nga ministri.

2. Leja e gjuetisë është personale dhe e patransferueshme. Ajo mbahet nga gjuetari sa herë që ai shkon për gjueti dhe u paraqitet organeve të kontrollit, kur e kërkojnë.

Neni 39

Format e lejes së gjuetisë

1. Lejet e gjuetisë sipas natyrës së tyre ndahen në dy lloje:

a) Licence gjuetie që i jepet gjuetarit pasi ka kaluar testimin e percaktuar në nenin 36 të këtij ligji i cili ka një afat vlefshmërie 5 vjeçare.

b) Leje gjuetie që i jepet një gjuetari të licensuar e cila ka afat vlefshmërie 1 vjeçare..

2. Lejet e gjuetisë të dhëna në përputhje me '1' germa 'b' të këtij neni jepen nga shoqatat vendore pjesë e FKSHGJK, për ushtrimin e gjuetisë në:

a. Të gjitha zonat për gjueti të vendit

b. Të gjitha zonat për gjueti të qarkut ku banojnë gjuetari.

3. Në varësi të lejes së gjuetisë, përcaktohen dhe tarifatat përkatëse të cilat paguheshin në favor të FKSHGJK.

Neni 40

Regjistri i lejeve të gjuetisë

1. FKSHGJK, administrojnë regjistrin e lejeve të gjuetisë, sipas formatit të miratuar nga ministri.

2. Në regjister shënohen leja e dhënë, emri dhe mbiemri i personit, të cilit i është dhënë leja, kohëzgjatja e saj dhe zona ku ushtrohet, ndëshkimet eventuale të dhëna për mbajtësin e saj gjatë sezonit të gjuetisë dhe heqja e lejes.

3. Regjistri i lejeve të gjuetisë publikohet në faqen e internetit të FKSHGJK, dhe është i hapur për publikun.

Neni 41

Heqja e lejes së gjuetisë

1. Leja e gjuetisë hiqet në çdo kohë kur mbajtësi i saj:

a) bëhet, nga ana shëndetësore, i paaftë për të ushtruar gjuetinë;

b) ka dhënë dokumente apo të dhëna të falsifikuara për kërkimin e lejes;

c) është dënuar për kryerjen e një veprë penale me vendim të formes së prirë.

ç) është dënuar penalisht nga gjykata e krimeve të rënda;

d) ia jep lejen një personi tjetër për ta përdorur.

2. Komisioni i shqyrtimit të kundravajtjeve prane FKSHGJK, pas shqyrtimit të shkëljes që ka evidentuar inspektori i organeve të kontrollit dhe/ose sherbimi i rojeve të FKSHGJK, merr vendim për heqjen e lejes.

3. Kunder vendimit të komisionit për heqjen e lejes gjuetari mund të ankohet në gjykatën administrative të shkallës së parë të Tiranës brenda 30 ditëve nga data e shpalljes së vendimit.

Neni 42

Leja e gjuetisë për shtetasit e huaj

1. Operatorët e tureve të gjuetisë që kanë për objekt organizimin e gjuetisë turistike në marrëveshje me FKSHGJK, organizojnë dhe drejojnë zhvillimin e tureve të gjuetisë në përputhje me dispozitat e këtij ligji dhe të akteve nënligjore në zbatim të tij. Marrëveshja e lidhur ndërmjet operatorëve të tureve të gjuetisë dhe FKSHGJK, duhet të përmbajë:

a. Sezoni i gjuetisë gjatë të cilit do të organizohen turet e gjuetisë.
b. Zonen ose zonat e gjuetisë në të cilën do të zhvillohen turet e gjuetisë.
c. Llojet e gjahut dhe sasia e lejuar prej seciles prej tyre që do të gjuhen gjatë turit.

d. Drejtën e FKSHGJK, për të vëzhguar nëpërmjet sherbitit të rojeve të sajë, turet e gjuetisë dhe zbatimin e marrëveshjeve.

2. Rregullat dhe procedurat e pajisjes së tyre me leje përcaktohen me udhëzim të përbashkët të ministrit dhe të Ministrit të Brendshëm.

3. Marrëveshjet ndërmjet operatorëve të tureve të gjuetisë dhe grupeve të gjuetisë turistike duhet të depozitohet pranë FKSHGJK.

Neni 43

Gjuetia turistike e organizuar

1. Operatorët e tureve të gjuetisë, që kanë për objekt të miratuar organizimin e gjuetisë turistike, organizojnë dhe drejojnë zhvillimin e tureve të gjuetisë, në përputhje me dispozitat e këtij ligji dhe të akteve nënligjore në zbatim të tij.

2. Me "Guida gjuetie" nënkuptohen personat fizikë, të aftë për të drejtuar grupet e gjuetarëve, duke lehtësuar transportin, lëvizjen, akomodimin e tyre dhe sigurimin e kushteve për zhvillimin normal të gjuetisë në një tur gjuetie.

3. Marrëdhëniet ndërmjet grupeve të gjuetisë turistike dhe operatorëve të tureve të gjuetisë apo guidave, që i organizojnë e akomodojnë turet e gjuetisë, rregullohen sipas dispozitave të legjislacionit shqiptar dhe vullnetit të lirë të palëve.

Neni 44

Pagesat për ushtrimin e gjuetisë

1. Për ushtrimin e gjuetisë, gjuetari bën pagesën prane shoqates ne te cilen eshte antare dhe nje pjese e tarifes ne perputhje me statutin e kalon FKSHGJK.

a) tarifën e lejes;

b) kuotën e gjuetisë për përdorimin e zonës së gjuetisë;

c) pagesën për çdo individ të llojeve, objekt gjuetie.

2. Niveli, koha dhe mënyra e pagesave të gjuetisë, të përcaktuara në pikën 1 të këtij neni, miratohen me vendim të Këshillit të Ministrave, me propozimin e përbashkët të ministrit dhe të Ministrit të Financave.

3. Pagesa e gjuetisë shlyhet nga gjuetari, njëherësh, në çastin e marrjes së lejes së gjuetisë, duke paraqitur prane FKSHGJK, mandat pagesen qe vertetone derdhjen e shumes ne llogarine e shoqates perkatese

Neni 45

Metoda, teknika dhe mjete të ndaluara në gjueti

1. Askush nuk ka të drejtë të vrasë ose të zërrë individë të llojeve të faunës së egër, objekt gjuetie, duke përdorur mjete dhe metoda të zënies ose të vrasjes në shkallë të gjerë dhe në mënyrë joselektive si:

a) helm;

b) mjete, që shkaktojnë vrasje masive;

c) eksplozivë, kurthe, gropa, gracka, ngjitës për shpendë, grepa, rrjeta, karrem të helmuar ose mjete mashtruese;

ç) karrem të gjallë, të verbuar ose të sakatuar;

d) kuaj, qerre, automjete, barka me motor, që lundrojnë me shpejtësi mbi 5 kilometra në orë ose aeroplan për ndjekje;

dh) drita artificiale ose pasqyra ndriquese;

e) pajisje elektronike për të përmirësuar pamjen në dritë të dobët;

ë) pajisje për imitim të zërit;

f) rrymën elektrike për të vrarë ose paralizuar;

g) tym ose gaz, që i detyrojnë kafshët të dalin nga vendet ku fshihen;

gj) rrjetat për kapjen e shpendëve.

h) armë automatike ose gjysmautamatike me jo

2. Gjuetari mund të përdorë qentë për ndjekjen e kafshës së plagosur, por nuk i lejon ata që ta mundojnë atë.

Neni 46

Veprime të ndaluara në gjueti

Me hyrjen në fuqi të këtij ligji, në territorin e Republikës së Shqipërisë ndalohet:

a) gjuetia, pa qenë i pajisur me leje gjuetie;

b) gjuetia e kafshëve dhe e shpendëve të egër, që nuk janë në listën e llojeve, objekt gjuetie;

c) gjuetia jashtë zonave të lejuara të gjuetisë;

c) ushtrimi i gjuetisë në periudhën e ndaluar e jashtë sezonit të lejuar për gjueti;

d) ushtrimi i gjuetisë me mjete, mënyra e metoda, që ndalohen nga ky ligj e nga aktet nënligjore në zbatim të tij;

dh) vrasja e shpendëve në kohën kur u bien pendët, kur kanë ngrirë nga të ftohtit, si dhe kapja e kafshëve gjatë përmbytjeve;

e) ushtrimi i gjuetisë gjatë vërshimeve të ujërave, ortekëve të borës, akullit, zjarrit ose kushteve të tjera të jashtëzakonshme natyrore, që vështirësojnë dukshëm lëvizjen e kafshëve;

ë) prishja e çerdheve, dëmtimi, mbledhja, marrja e vezëve dhe e të porsalindurve, vrasja ose nxjerja nga strofka dhe shfarosja e atyre që ndodhen në të;

f) vrasja e gjahut në kohën e riprodhimit dhe të rritjes së të vegjëlve;

g) gjuetia gjatë periudhës së shumimit apo të kujdesit për të vegjlit dhe për llojet migratore, gjatë kthimit të tyre në territoret e shumimit;

gj) ushtrimi i gjuetisë në det dhe në sipërfaqet ku zhvillohet akuakulturë intensive;

h) vrasja ose kapja e individëve të llojeve, objekt gjuetie, mbi sasi të lejuara;

i) gjuajtja gjatë natës, duke filluar me perëndimin e diellit deri në lindjen e tij;

j) dëmtimi i rrethimeve, i ndërtimeve për gjuetinë, i vendeve të gjuetisë, i tabelave e shenjave të kufijve, i kullave të vrojtimit dhe i kafazeve të vendosur për zogjtë.

Neni 47

Armët e gjuetisë

1. Gjuetia lejohet të kryhet vetëm me armë gjuetie të prodhuara për këtë qëllim dhe që plotësojnë kërkesat teknike të sigurisë.

2. Rregullat e mbajtjes, të ruajtjes dhe përdorimit të armës së gjuetisë gjatë gjuetisë dhe në çdo kohë e vend tjetër miratohen me udhëzimin e përbashkët të ministrit dhe të Ministrit të Brendshëm.

3. Gjuetari i pajisur me armë gjahu të licencuar mund të mbajë thika dhe mjete të mprehta, si pajime të domosdoshme gjahu, që shërbejnë për gjueti.

Neni 48

Deklarimi i gjahut

1. Në përfundim të ditës së gjuetisë, gjuetari deklaron te menaxhuesi i zonës numrin e kafshëve e të shpendëve të vrara. Gjuetari në bazë të mandat pageses paguan në favor të menaxhuesit të zonës tarifën përkatëse në lidhje me:

a. Tarifën ditore të gjahut.

b. Tarifën për produktet e gjahut në bazë të numrit të kafshëve dhe shpendëve të vrara.

- c-Tarifen per certifikimin e produkteve te gjahut nga sherbimi veteriner.
2. Çdo gjuetar njofton dhe çon në qendrën më të afërt veterinarë gjahun me shenja sëmundjeje.

Neni 49

Pronësia e gjahut

1. Gjahu i vrarë gjatë ushtrimit të gjuetisë i përket personit që e ka vrarë atë nese ai paguan tarifen mbi produktet e gjahut.Ne rastet kur gjuetari nuk paguan tarifen e produkteve te gjahut,pronesia mbi gjahun i takon menaxhuesit te zones se gjuetise.
2. Gjuetarët e huaj kanë të drejtë ta marrin me vete gjahun e vrarë prej tyre, pasi të jenë pajisur me vërtetimin e menaxhuesit të zonës së gjuetisë. Ministri miraton formatin e vërtetimit për nxjerrjen e gjahut jashtë shtetit.

Neni 50

Trofetë e gjuetisë

1. Trofetë e gjuetisë vlerësohen nga komisioni i vlerësimit të trofeve, që krijohet nga FKSHGJK.
2. Komisioni i vlerësimit të trofeve përbëhet nga 7 anëtarë, të cilët propozohen nga shoqata e gjuetarëve, si gjuetarë me shumë përvojë, nga fakultetet e biologjisë të universiteteve shtetërore dhe nga ministria. Në bazë të këtyre propozimeve, ministri miraton përbërjen e komisionit.
3. Komisioni i vlerësimit të trofeve vepron pranë FKSHGJK, për një afat 10-vjeçar. Ai mbledhet sa herë që paraqiten kërkesa shqyrtimi i se ciles perfundon jo me vone se nje muaj nga dorezimi i saj prej FKSHGJK..
4. Për vlerësimin e trofeve të gjuetisë, kërkuesi paguan një tarifën e percaktuar nga FKSHGJK.
5. Funksionimi i komisionit dhe dokumentet që ai administron bëhen sipas rregullores së organizimit dhe funksionimit të tij, që miratohet nga FKSHGJK.
- 6-Trofete e gjuetise shoqerohen me certifikaten perkatese,e cila e jepet fituesit te trofeut nga komisioni perkates.Formati i cerifikates se trofeve te gjuetise miratohet me urdhe te ministrit.FKSHGJK,mbane regjistrin e trofeve.
- 7-Trofete e gjuetise lejohet te dalin jashte teritorit te Republikes se Shqiperise vetem nese eshte leshuar ceertifikata e trofeut nga komisioni i vleresimit te trofeve.

Neni 51

Tregtimi i gjahut

1. Personat fizikë dhe juridikë mund të tregtojnë individë të vrarë të llojeve të faunës së egër, objekt gjuetie, pjesë të tyre dhe trofe nga gjuetia, të siguruara në mënyrë të ligjshme dhe kur ato figurojnë në listën e hartuar, sipas

aneksit III të direktivës për shpendët, e miratuar me udhëzim të ministrit dhe vetëm kur janë të pajisur me vërtetimin e lëshuar nga menaxhuesi i zonës së gjuetisë dhe me certifikimin nga shërbimi veteriner.

2. Individët e llojeve të faunës së egër, pjesët e tyre dhe trofetë e siguruara në mënyrë të paligjshme konfiskohen nga organet e kontrollit për zbatimin e këtij ligji.

Neni 52

Shoqata dhe FKSHGJK.

1. Shteti i delegon te drejten e organizimit dhe zhvillimit te veprimtarise se gjuetise kombetare e nderkombetare vetem nje federate gjuetie

2- Shoqata e gjuetareve jane bashkime vullnetare te gjuetareve te cilat krijohen ne teritore te ndryshme te Republikes se Shqiperise mbi baza teritoriale te njesive administrative, Bashkive. Shoqatat vendore te gjuetise me qellim permbushjen e objektit te veprimtarise se tyre duhet te antaresohen prane FKSHGJK.

3- FKSHGJK eshte person juridik i krijuar me nismen e shumices se shoqatave te gjuetareve te cilat kane pranuar statutin e federates. Pas miratimit te statutit ky grupim realizon regjistrimin e federates ne gjykatën kompetente.

4- Federata mbron interesat e tyre ne nivel kombetar dhe nderkombtare. Federata kryen veprimtari qe lidhen me trajnimin e gjuetareve, ruajtjen e ekosistemeve, pasurimin e burimeve te gjuetise, mbrojtjen e mjedisit, trajnimin dhe certifikimin e rojeve te gjuetise, kultivimin e etikes se gjuetarit dhe te traditave te gjuetise.

5- Marrdheniet ndermjet shoqatave vendore te gjuetise dhe FKSHGJK, rregullohen nga statui i FKSHGJK.

Neni 53

Të drejtat dhe detyrat e FKSHGJK.

Në funksion të zbatimit të legjislacionit ne fuqi FKSHGJK ka te drejtat dhe detyrat si me poshte:

a) mbron te drejtat e ligjeshme te antareve te saj.

b) perfaqeson Republiken e shqiperise ne Federatat Nderkombtare te Gjuetise

c) organizon dhe realizon testimin teorik dhe praktik per dhenien e lejeve te gjuetise

ç) jep lejen e gjuetise per shtetasit Shqiptar dhe te huaj qe do te ushtrojne gjuetine ne teritorin e Republikes se Shqiperise ne perputhje me legjislacionin ne fuqi.

d) mban dhe administron regjistrin e lejeve te gjuetise.

dh) ne bashkepunim me institucionet shteterore dhe strukturat e tjera merr masa per zbatimin e planeve kombetare te zhvillimit te gjuetise.

- e) harton programin kombetar te gjuetise dhe jas apropon ministrit per miratim.
- f) miraton planet e menaxhimit te zones se gjuetise.
- g) jep mendim per krijimin e zonave te gjuetise.
- i) jep pelqimin per dhenien me qera te zonave te gjuetise.
- k) propozon zgjidhjen e parakoheshme te kontrates se qerae me menaxhuesin e zones se gjuetise ne rastet e parashikuara ne kete ligj.
- l) i propozon ministrit celjen e sezonit te gjuetise.
- ll) lidh marrveshje me te tretet.
- m) krijon komisionin e vleresimit te trofeve dhe miraton tarifat perkatese.
- n) organizon veprimtari kualifikuese dhe edukuese per antaret e vet, per te respektuar manualin e gjuetise.

KREU VI MONITORIMI DHE KONTROLLI

Neni 54 Monitorimi i gjuetisë

1. Monitorimi i gjuetisë është proces i detyrueshëm, që drejtohet nga ministria, e cila harton programet e monitorimit, përcakton metodat e grumbullimit të të dhënave e të përpunimit të tyre, si dhe ndjek zbatimin e tij.
2. Si pjesë përbërëse e monitorimit të faunës së egër, monitorimi i gjuetisë përmbledh monitorimin e veprimtarisë së gjuetisë dhe monitorimin e zonave të gjuetisë.
3. Strukturat menaxhuese të pyjeve dhe kullotave, FKSHGJK, njësitë tekniko-organizative të qeverisjes vendore, menaxhuesit e zonave të gjuetisë dhe shoqatat e gjuetarëve ndjekin në vijimësi zhvillimin e gjuetisë, duke nxjerrë të dhënat, sipas treguesve të përcaktuar në programin e monitorimit të gjuetisë.
4. Të dhënat vjetore të monitorimit grumbullohen nga shoqatat vendore në nivel qarku në zyrat e dektorive të buqesisë, pyjeve dhe zhvillimit rural, e cila ia dërgon ministrisë perkatese dhe FKSHGJK, të dhënat e grumbulluara dhe rezultatet i publikon brenda muajit qershor në faqen e saj të internetit.

Neni 55 Inventarizimi i llojeve, objekt gjuetie

1. Popullatat e llojeve, objekt gjuetie, inventarizohen çdo vit në çdo zonë gjuetie, për të identifikuar sasinë e tyre, shtesën natyrale vjetore të popullatës së secilit lloj, si dhe për të planifikuar sasinë e individëve, që mund të gjuhen gjatë sezonit të ardhshëm në zonën konkrete. Në sezonin e ardhshëm nuk mund të planifikohen për t'u gjuajtur më shumë se 10 për qind e shtesës natyrale të popullatës së llojit.

2. Inventarizimi dhe regjistrimi i llojeve dhe popullatave të tyre kryhet nga shoqatat e gjuetarëve dhe gjuetarët e zonës, nën drejtimin e menaxhuesit të saj, duke mbajtur parasysh kërkesat e veçanta të çdo lloji.

3. Menaxhuesit e zonave të gjuetisë, krahas grumbullimit të të dhënave për numrin e kafshëve të egra brenda zonës, grumbullojnë edhe të dhëna të tjera për gjendjen e kushtet e jetesës së kafshëve në zonën e gjuetisë dhe shënimet i dërgojnë në FKSHGJK., e cila mban regjistrin e kafshëve të egra të zonave të gjuetisë.

4. Metodika e regjistrimit dhe inventarizimit të llojeve dhe popullatave të tyre, si dhe dokumentet e formatuara, ku pasqyrohen të dhënat dhe rezultatet e inventarizimit të llojeve, objekt gjuetie, miratohen me udhëzim të ministrit.

Neni 56

Kontrolli mbi gjuetinë

Kontrolli mbi gjuetinë, si pjesë e kontrollit për mbrojtjen e faunës së egër, është veprimtaria shtetërore, që siguron zbatimin e dispozitave të këtij ligji, të akteve nënligjore në zbatim të tij, si dhe të konventave përkatëse, ku Republika e Shqipërisë është palë.

Neni 57

Organet e kontrollit

1. Organi i specializuar i kontrollit për zbatimin e këtij ligji është ISHMP, në bashkëpunim me menaxhuesit e zonave të gjuetisë përmes ruajtësve të gjahut dhe me organet e kontrollit të njësisve të qeverisjes vendore.

2. Kur organet e specializuara të kontrollit pengohen në kryerjen e detyrës, sipas pikës 1 të këtij neni, kërkojnë ndihmën dhe bashkëpunojnë me strukturat e Policisë së Shtetit e të policisë së vetqeverisjes vendore..

Neni 58

Kontrolli doganor

1. Fauna e egër, objekt gjuetie dhe produktet e gjuetisë në import dhe eksport i nënshtrohen legjislacionit doganor në fuqi dhe udhëzimit të ministri për këtë qëllim.

2. Individë të vrarë të llojeve, objekt gjuetie, eksportohen, kur ato shoqërohen me vërtetim nga menaxhuesi i zonës së gjuetisë dhe me raport nga shërbimi veterinar.

KREU VII SANKSIONET

Neni 59

Kundërvajtjet administrative

Shkeljet e mëposhtme, kur nuk përbëjnë vepër penale, përbëjnë kundërvajtje administrative dhe dënohen si më poshtë:

1. Ushtrimi i gjuetisë pa u pajisur me leje gjuetie, me gjobë, në masën 50 000 (pesëdhjetë mijë) lekë deri në 100 000 (njëqind mijë) lekë.

2. Ushtrimi i gjuetisë jashtë sezonit të gjuetisë, të përcaktuar në urdhrin përkatës të ministrit, qoftë edhe pa pasur gjah të vrarë ose të kapur, me gjobë, në masën 30 000 (tridhjetë mijë) lekë deri në 50 000 (pesëdhjetë mijë) lekë.

3. Gjuetia e kafshëve të egra, që nuk janë në listën e llojeve, objekt gjuetie, me gjobë, në masën 80 000 (tetëdhjetë mijë) lekë deri në 100 000 (njëqind mijë) lekë.

4. Gjuetia në zonat e ndaluara për gjueti, me gjobë, në masën 80 000 (tetëdhjetë mijë) lekë deri në 100 000 (njëqind mijë) lekë.

5. Ushtrimi i gjuetisë me armë, që nuk lejohen për t'u përdorur si armë gjuetie, si dhe pa pasur lejen e armës së gjuetisë, me gjobë, në masën 80 000 (tetëdhjetë mijë) lekë deri në 100 000 (njëqind mijë) lekë.

6. Ushtrimi i gjuetisë pa pasur me vete lejen e gjuetisë, me gjobë, në masën 10 000 (dhjetë mijë) lekë.

7. Mosdeklarimi i gjahut të vrarë dhe mospagimi i tarifës për çdo individ të vrarë, me gjobë, në masën 80 000 (tetëdhjetë mijë) lekë deri në 200 000 (dyqind mijë) lekë.

8. Mosçuarja te veterineri i individit të vrarë, që dyshohet për sëmundje, me gjobë, në masën 10 000 (dhjetë mijë) lekë deri në 20 000 (njëzet mijë) lekë.

9. Mbledhja dhe grumbullimi i vezëve të shpendëve, objekt gjuetie, me gjobë, në masën 80 000 (tetëdhjetë mijë) lekë deri në 100 000 (njëqind mijë) lekë.

10. Mosndalimi i mjeteve pas sinjalit të organeve të kontrollit për zbatimin e këtij ligji, me gjobë, në masën 10 000 (dhjetë mijë) lekë deri në 20 000 (njëzet mijë) lekë.

11. Gatimi në lokale i individëve të llojeve të kafshëve, shpendëve të egër dhe i peshqve e gjallesave të tjera të detit, që nuk lejohen të gjuhen, me gjobë, në masën 30 000 (tridhjetë mijë) lekë deri në 50 000 (pesëdhjetë mijë) lekë.

12. Ushtrimi i gjuetisë në det, me gjobë, në masën 30 000 (tridhjetë mijë) lekë deri në 50 000 (pesëdhjetë mijë) lekë.

13. Ushtrimi i gjuetisë duke gjuajtur nga makina, nga mjetet e lundrimit (veç barkave që përdoren për gjueti) dhe nga mjetet e fluturimit, me gjobë, në masën 80 000 (tetëdhjetë mijë) lekë deri në 100 000 (njëqind mijë) lekë.

14. Ushtrimi i gjuetisë me mjete e mënyra, që përbëjnë rrezik për njerëzit, për kafshët e shpendët, me anë të zjarrit, me materiale që marrin zjarr shpejt, me lëndë eksplozive dhe helmuese, me hapje gropash, me dritë, me ajër e gaz të komprimuar dhe natën, me gjobë, në masën 100 000 (njëqind mijë) lekë deri në 200 000 (dyqind mijë) lekë. Sekuestrim të mjetit dhe armes

15. Gjuetia me mjete dhe mënyra, që shkaktojnë vrasjen ose kapjen në masë të kafshëve e të shpendëve të egër, si gracka, kosha, rrjeta, stampa imituese, aparate zëndjellëse apo kafshëve të gjalla, që përdoren si karrem, që mund të jenë

të verbra ose të gjymtuara, me gjobë, në masën 80 000 (tetëdhjetë mijë) lekë deri në 100 000 (njëqind mijë) lekë.

16. Gjuetia me mjete elektrike, që mund të përdoren për vrasje dhe trullosje, ndriçues për qitje natën, të përbërë nga zmadhues dhe zvogëlues elektronikë, pasqyra dhe mjete të tjera verbimi, me gjobë, në masën 80 000 (tetëdhjetë mijë) lekë deri në 100 000 (njëqind mijë) lekë.

17. Mbajtja e armëve të gjuetisë të karikuara gjatë kalimit në qendrat urbane (në këmbë ose në makinë) dhe transporti i tyre të mbushura, mbajtja dhe përdorimi i armëve të gjahut nga persona të tjerë të paautorizuar, me gjobë, në masën 30 000 (tridhjetë mijë) lekë deri në 50 000 (pesëdhjetë mijë) lekë.

18. Gjuajtja e shpendëve në kohën kur u bien pendët, kur kanë ngrirë nga të ftohtit, si dhe kapja e kafshëve gjatë përmbytjeve, me gjobë, në masën 30 000 (tridhjetë mijë) lekë deri në 50 000 (pesëdhjetë mijë) lekë.

19. Prishja e çerdheve, dëmtimi, mbledhja dhe marrja e vezëve dhe e të porsalindurve, vrasja ose nxjerrja nga strolka dhe shfarosja e atyre që ndodhen në to, me gjobë, në masën 50 000 (pesëdhjetë mijë) lekë deri në 100 000 (njëqind mijë) lekë.

20. Kapja e gjahut në kohën e riprodhimit dhe të rritjes të së vegjëlve, me gjobë, në masën 30 000 (tridhjetë mijë) lekë deri në 50 000 (pesëdhjetë mijë) lekë.

21. Vrasja ose kapja mbi sasi të lejuara, duke përdorur qen të tjerë, veç atyre të gjuetisë, ose gjuetia me zagarë, duke kërkuar territorin pa armë gjahu, me gjobë, në masën 20 000 (njetzet mijë) lekë deri në 40 000 (dyzet mijë) lekë.

22. Dëmtimi i rrethimeve, i ndërtimeve për gjuetinë, i vendeve të gjuetisë, i tabelave të çfarëdo lloji e natyre qofshin, i kullave të vrojtimit dhe i kafazeve të vendosur për zogjtë, me gjobë, në masën 20 000 (njetzet mijë) lekë deri në 40 000 (dyzet mijë) lekë.

Neni 60

Dokumentimi

1. Për çdo rast të shkeljes së dispozitave të këtij ligji dhe të akteve nënligjore në zbatim të tij mbahet procesverbal, i cili nënshkruhet nga hartuesi, i proceduari dhe dëshmitari i pranishëm dhe, kur nuk ka të tillë, ai është i vlefshëm vetëm me nënshkrimin e menaxhuesit apo të inspektorit të organeve të kontrollit.

2. Gjahu i vrarë ose i kapur konfiskohet, leja e gjuetisë i merret, ndërsa armët e mjetet e gjahut sekuestrohen me procesverbal dhe i dorëzohen me procesverbal Policisë së Shtetit. Arma e sekuestruar i kthehet gjuetarit sezonin e ardhshëm dhe pasi ka likuiduar gjobën përkatëse.

Neni 61

Shqyrtimi dhe ankimi

1. Kundërvajtjet administrative, sipas këtij ligji, shqyrtohen brenda 15 ditëve nga komisioni përkatës, që vepron në çdo drejtori të shërbimit pyjor.

2. Kundër vendimit të komisionit, kundërvajtësi mund të ankohet te ministri brenda 10 ditëve nga marrja dijeni. Ndaj përgjigjes së ministrit, ose kur ai nuk i kthen përgjigje brenda 10 ditëve nga protokollimi i ankesës, kundërvajtësi mund të ankohet në gjykatë brenda 30 ditëve.

Neni 62

Pagimi i gjobës

1. Gjambat për kundërvajtjet administrative, sipas këtij ligji, likuidohen brenda 30 ditëve nga data që vendimi i komisionit të shqyrtimit të kundërvajtjeve ka marrë formën e prerë, pas ezaurimit të afateve të ankimimit, të parashikuara sipas Kodit të Procedurave Administrative. Personit që nuk paguan gjobën brenda këtij afati, nuk i kthehen leja dhe arma e gjuetisë.

2. Vendimi i komisionit të shqyrtimit të kundërvajtjeve merr formën e prerë 15 ditë pas shpalljes së tij.

3. Të ardhurat e grumbulluara nga pagesa e gjobave derdhen në Buxhetin e Shtetit.

Neni 6

Ushtrimi i gjuetisë turistike në kuptim të nenit 2 pika 18 të këtij ligji ndalohet për një periudhë 5 vjeçare nga data e hyrjes në fuqi të këtij ligji.

KREU VIII

DISPOZITA KALIMTARE DHE TË FUNDIT

Neni 64

Akte nënligjore

1. Ngarkohet Këshilli i Ministrave që, në zbatim të neneve 3 pika 1, 9 pika 2, 22 pika 1, 33 pika 1 dhe 44 pika 2, të nxjerrë aktet nënligjore në zbatim të këtij ligji.

2. Ngarkohet ministri që, në zbatim të neneve 15 pika 3, 18 pika 5, 25 pika 6, 26 pika 2, 27 pika 2, 50 pika 5, 55 pika 4 dhe 58 pika 1, të nxjerrë aktet nënligjore në zbatim të këtij ligji.

3. Ngarkohen ministri dhe Ministri i Brendshëm që, në zbatim të nenit 59 pika 2, të nxjerrin aktin nënligjor në zbatim të këtij ligji.

4. Ngarkohen ministri dhe Ministri i Financave që, në zbatim të nenit 33 pika 2, të nxjerrin aktin nënligjor në zbatim të këtij ligji.

Neni 65

Dispozita shfuqizuese

1-Me hyrjen në fuqi të këtij ligji, ligji nr.61/2016: "Për shpalljen e Moratoriumit të Gjuetisë në Republikën e Shqipërisë" shfuqizohet.

2-Me hyrjen në fuqi të këtij ligji, ligji nr. 7875 datë 23.11.1994
"Për mbrojtjen e faunës së egër dhe gjuetinë", i ndryshuar, shfuqizohet.

Neni 66
Hyrja në fuqi

Ky ligj hyn në fuqi 15 ditë pas botimit në Fletoren Zyrtare.

KRYETARI
GRAMOZ RUÇI